

Nunatsiavut kavamanga ammalu kavamakkut Canadami angijummik sivuppiajut sakKititsigiamut Inuit Paigijaugutilimmik Iningani taggaup Satjugiangani Labradorimi

SakKititausimalippat, tainna nutâk paigijaugutilik ininga nungotsitailiniattuk unuluamik 16,700 square kilometers Labrador kitânganik Imappiup NunakKatigengitumik

Mertz 15, 2024

Gatineau, Quebec

SilakKijâpviligijet Canadami

SilakKijâpviligijet Canadami uKatsiasimajut piusigijauniattumut nunatsualimâmi taimangasuanit iniujunut ilitatsijumimk ammalu nittugijaujumut taimangasuanisimajunut ammalu ullumiulittuk tuniggusianik NunaKakKâsimajuit inunginnit, taimansuanigisimajangit, ammalu ilukkusigijanginnik, ammalugiallak ikKanattumik ilagennigijangit NunaKakKâsimajuit inungit kinguvânit nunalet, imalet, ammalu sikummik.

Ullumi, Johannes Lampe, President Nunatsiavut, ammalu Honourable Steven Guilbeault, Minister Avatimmut ammalu Silak Asianguvallianinganut ammalu Ministe kamaKattajumut SilakKijâpviligijikkunginnut Canadami, tusagatsaliusimajut kajusiutigijautsiasimajumut pijagettausimanninga atuniKatsiamangât Kimiggutausimajumut Kaujisimajut tainna sakKititaugasuajuk nutânguvuk Inuit Paigijaugutilik Ininga iluani taggami Labradorimi tamammik atuniKatsiatut ammalu pigumajautlutik.

Tainna Kinugautigijaujut, 16,791 square kilometers Inuit Paigijaugutilik Ininga, iniKavuk iluani Labrador Imappingani, satjugiak imanginni atajumut Tungait KakKasuangita Nunatsualimâmi SilakKijâpvingani iluani Taggaup Labradorimi. Tainna inik aniggagijauvuk nanunnut, apvik ammalu âlluasiannut, puujinut ammalu timmianut, ammalu Kanuttusuatuinnanut oganik. SakKititauppat, nungotsitailiniattuk ilanganik Labrador kitângani Imappet NunakKatigengitumik ammalu paitsiutigillugit kangitlualunnik tikijumut Tungait KakKasuangita Nunatsualimâmi SilakKijâpvinganut.

Sanalluni tâpsuminga angijualovuk sivuppiagiamut ammalu ikajuttaulutik Oganniatuligijinnut Imappiligijet Canadami taikkua federal pitsatunilet oganniatuligijiummata, tainna Nunatsiavut kavamanga, Makivvik kuapanga, ilauKataujut, ammalu SilakKijâpviligijet Canadami suli suliaKaKatigelangavut pijagegiamut ammalu atittâvikagiamut AngiKatigegutimmik TukisiKatigennimut pigiasigiamut suliatsanik satusaigiamut sakKititsigiamut nutâmik Inuit Paigijaugutilimmik Initsamik. Takunnâlualangajut tapvani ininginnejunut atuniKatsiatunut pitjutaujunut, ilautillugit pijagettausimajut killinga, aulatsiKatigellutik tungavitsanganik, ammalu kajusiutigillugit Kaujimatitsinik pivitsanik tigumiajunut, ilauKataujunut, suliaKapviujunut ammalu nunalinnut.

Ilagiallugu nungotsitailigiamut Kanuittusuatuinnanik omajungit, paitsiutigillugit taikkuninga imammuitait avatinganettunut taggami Labradorimi tunitsiniattuk pimmagittumik Inuit ilukkusinganik ammalu piusituKanganik ammalu Kanuittailikkulugit Labrador ammalu Nunavik Inungit atunginnasimajunut tâpsuminga nunakKatigengitumik taimangasuanit. Inuit Kaujimatsiamagittut nunanganik, imak ammalu sikunganik ininganettunik sakKijânginnagiamut, ullumimut, omajunginnut. Inuit Kaujimausingit, ilagitlugit kangianit Kaujisattilagijingit, atuttausimavut tungavigijautluni atuniKatsiamangât Kimigguniammata ammalu suli atuniKatsianiattut sakKititsigiamut Inuit Paigijaugutet Initsanganik.

Ullumi tusagatsaliuttausimajuk sakKititsisiavuk kavamakkut Canadami uKatsiasimajanganik pivallititsigiamut KujaliKatigennimik ammalu atuliaKittisigiamut pivitsanik amma angiKatigegutinnik kamagigialinginnik taikkutigona nutângutittitausimajumut nunatsuamit nunatsuamut ammalu kavamakkunit kavamakkunut ilagenimmik taikkununga NunaKakKâsimajuit inunginnut. Takutitsimijuk atuKatigettaujunut Kanuttogutigijaujunut Nunatsiavut kavamakkunut, Makivvik kuapanginnut, Oganniatuligijet ammalu Imappiligijet Canadami, ammalu SilakKijâpviligijet Canadakkunut paigillugit avatinganik ammalu ilukkusinginnik napâttunik, imânejunut avatinga taggami Labradorimi.

SakKititausimalippat, tainna nutâk Inuit Paigijaugutilik Ininga tunitsilangajuk 0.29 per cent, ininganik Kanitangani pingasuittuluni anginigijangita Prince Edward Islandimut, taikkununga kavamakkut Canada uKatsiasimajanginnik paitsiutigigianga omajunut Kanuittusuatuinnanik ammalu nungotsitailigiamut 30 per cent imappinganik ammalu satjugianettunut ininginnik tikikkâtinnagu 2030.



Parks Canada Parcs Canada



UKattausiasimajut

“Tamanna tusagatsaliuttausimajuk ullumi ikKanattovuk, paitsiutigituinnalunnagu aniggagijaujuk nunak, tâvatuak piulimagasuallugu ilukkusivut, piusituKagijavut, ammalu Inuit kinakkoningit. SuliaKatsiasimavugut angutigasuagiamut tâpsuminga ammalu sulit tamannaulangavuk pijagegasuaniattavuttinik AngiKatigegutimmik TukisiKatigennimut takuniattumut sakKititaugasuajumut tâpsuminga Inuit Paigijaugutilimmik Ininganik. Kuviasuvugut takugiamut angutijausimajumut sakKiniattumut ullumi, ammalu pijugivugut sivuppiagiamut kamagitsiagasuagiangit sulitsiatumik Labrador Inuit piusinginnik omagiamut sakKijânginnaKullugu sivunitsaginiattavuttinut.”

*Johannes Lampe
President of Nunatsiavut*

“Ullumi nalunaisivuk ikKanattumik angutijausimajumut ammalu angijummik sivuppiagiamut paitsiutigianganut ammalu aulatsigiamut Nunatsiavut imagijangit ammalu Labrador kitânganettunut Imappet NunakKatigengitumik. Tainna kavamakkut Canadami, taikkutigona SilakKijâpviligijikkunut Canadami, sulia ikajuttigesianiattut Nunatsiavut kavamakkunut, Makivvik kuapakkunut, ilauKataujunut, ammalu Nunatsiavut Inugijanginnut sakKititsigiamut Inuit Paigijaugutilimmik Ininganik taikkununga pitaluviniKajunut ammalu atjiKangitumik imaujunut ikajuniattumut paigigiangit sutaijajunik omajunut atuKattajanginnut, kamagitsialugillu Inuit ilukkusingit ammalu piusituKanginnik piguvalliajunut sutaijajunut kinguvâttinut.”

*Tainna Honourable Steven Guilbeault
Minister Avatimmut ammalu Silak Asianguvallianinganut ammalu Minister kamaKattajumut SilakKijapviligijet
Canadamut.*

Ilitatisivugut ikKanattoninganik ammalu angijummagiunnganinganik ininga taggami Labadorimi. SakKititsigiamut sivunittini nunatsualimâni imappimimik nungotsitalligiamut ininganik tamâni paitsiutiKaniattuk sutaijajunik omajunik ammalu ikajulluni pivalliatitsigiamut Inuit ilukkusinginnik ammalu inopvigijauKattajunut sivunitsagijauniattunut. Tainna kajusiutigijautsiasimajuk pijagettausimatluni atuniKatsiamangât Kimiggutausimajuk ikKanattumagiuvuk akuninit ammalu ottotigillugu sivuppiajattinik sulit sanajattinik atuKatigejattinik tugâgutigitlugu paitsiutiKagiamut imappitinnik iluani Canadami.

*Tainna Honourable Diane LeBouthillier
Minister Oganniatuliginimmut, Imappiligijinnut ammalu tainna Canada Satjugiami Kinijanniatinut*

"Ullumi tusagatsaliuttausimajuk piujualuk. SuliaKajut paitsiutiKagiamut angijualummik avatimmi Labrador kitângani Imappet NunakKatigengitumik atautsikut Kaujimakkulugit Inuit sivukkatigijangit ammalu ilukkusinginnik sâlaKavut Inunnut Newfoundland ammalu Labradorimi, Canadamiunut, ammalu avatimmut. Agaguvunga kajusiutigijaujumik ikajuttigennimik maggonut kavamaunug ammalu piggautiKavugut satusaiKatigegiamut sakKititsigiamut Inunnut Paigijaugutilimik inujunut iluani Nunatsiavut imagijanginnut satjugiami Taggaup Labradorimi".

*Yvonne Jones
kavamaligijitsuanginnut Nenitsijik Ministerimmut Taggami SuliatsagijauKattajunut ammalu Ministerimmut Unatattuligijinginnut (Taggami Unatattuligijet), ammalu Ilaliugutilik katimapvisuami ilingajumut, Labradorimut, Newfoundland ammalu Labrador*

Tapvainak Sulitsiatut

- Tainna atuniKatsiamangât Kimiggutaujut ammalu ilinganiKajut tunitsiKattavuk Nunatsiavut kavamakkunut Imappivut (Our Oceans) Imappimi Pannaigutigijaugumajunut ammalu suliatsanut angutigasuagiamut taikkuninga tugâgutigijajunut sakKititsijumik iluani Allatausimajunut ilinganiattumut Imappivut.
- Tusattausimajut katitsutaujut ilautitsinikkut ammalu KaujimaKatigeniammata Inunnut ammalu nunalimmiunut ammalu atuniKatsiatunut ilauKataujunut, ilagillugit



kamatsiatumik isumatsasiuttausimajunut inulimânut, avataliginimmut, ammalu kenaujaliginimmut ikajotitsanik ammalu attuigajattunut sakKititsigiamut Inuit Paigijaugutilimmik Inuijunut ilitatsiluni atâgut *Canadami Nunatsualimami Imappimi Nungotsitailigiamut Iningita PikKujatsasuanga* atuniKatsiasimajuk iluani AtuniKatsiamangâg Kimiggutausimajumut.

- Taggami Labradori aniggagijauvuk nillinnattumut kitâni Labrador Inigganinginnut, Kaujimajautsiatuk sâtaunginnatunut piKalujannik nainnisamut ammalu akulligetluni taipsumunga Gulf Inigganinganut kitâni Grand Banks ininganettumut Newfoundland.
- Taimangasuanit, Nunatsiavut ammalu Nunavik Inuit iniKainnasimavut ammalu atutlutillu nunanganik, imak, ammalu sikunganik taipsumunga angijualummut Inuit anigganganik ammalu iniggavigijauKattajunut akKutinik.
- Tainna inik ilautitsivuk asianguvalliagemut akungani Ukiuttattumi ammalu Atlantic inigijanginnik pisimajunit takuminattunik kangitlualunnik sitjanut ammalu sitjanettunut. Tainna inik ikajutsijuk Kanuittusuatuinnanik omajunik, ilautillugit imappimiutait omajunik ammalu oganik ammalu ikKanattojunit inigijauKattajunut timmiagalannut.
- Saŧjugiami ammalu imappet iningit atuttauKattavut Inuit ilukkusinginnut, inulimânut, uppinikkut, avatikkut, ammalu kenaujaliugutigitlugu Kanuittailigiamut.

IlinganiKajut AllaKutet – (Kallunâtitut kisiani)

- [Tainna kavamak Canadami ammalu Nunatsiavut atittâviKalauttut AngiKatigegutimmik tukisiKatigennimut Kimiggugiamut atuniKatsiamangâg sakKititsigiamut nutâmik paigijaugutilimmik ininganik taggaup Labrador saŧjugiangani - Februar 2022 tusagatsak](#)
- [Canada Nunatsualimami Imappimik Nungotsitailigiamut Iningata PikKujatsasuanga](#)
- [Tusagatsaliuttausimajuk - Kallunâtitut](#)
- [Tusagatsaliuttausimajuk - Frenchitut](#)

IlinganiKajut Atajut – (Kallunâtitut kisiani)

- [SilakKijâpviligijet Canadami](#)
- [Nunatsualimâmi Imappingata Nungotsitailigiamut Iningit Piusigijangita Pannaigutik](#)
- [Nunatsiavut kavamanga](#)
- [Imappivut - Nunatsiavut Imappiligijet Pannaigutinga](#)
- [Makivvik kuapanga](#)
- [Pivitsait-akiKalugani sutajajunit tusagatsaligijinnik tusagatsak](#)

- 30 -

Kaujisapviutausot

Tusagatsanut Nenitsijinga
SuliaKapvk Ministerimmut Avataliginimmut ammalu Silak Asianguvallianganut
819-230-1557
kaitlin.power@ec.gc.ca

Bert Pomeroy
Aulatsijik Tusagatsaligijinnut
Nunatsiavut kavamanga
709-896-8582
bert.pomeroy@nunatsiavut.com



Parks Canada Parcs Canada



Tusagatsaligijinnut IlinganiKajut
SilakKijâpviligijet Canadami
855-862-1812
pc.media@pc.gc.ca

Tusagatsaligijinnut IlinganiKajut
Oganniatuligijet ammalu Imappiligijet Canadami
613-990-7537
media.xncr@dfo-mpo.gc.ca



Itillik kangitlualunga aujami
Atjinguak: Rodd Laing



Parks
Canada

Parcs
Canada